

Kev Lis Hauj Lwm Rov Kho Ciam Dej Ciam Av ntawm Sacramento Khauj Tim

Txhua-txhua kaum lub xyoo, nom tswv hauv zos yuav siv cov ntaub ntawv suav pej xeeb tshiab los kos dua lawv cov kev kab-ciam cheeb tsam txhawm rau koj paub tias seb cov peej xeeb neeg hauv zos tau muaj kev hloov pauv li cas lawm. [Assembly Bill 849 \(2019\) \(Tsab Cai Kev Suav Pej Xeem\)](#) xav kom cov nroog thiab cov zej zog koom tes rov kho ciam dej ciam av los ntawm kev npaj zej tsoom cov rooj taug xyuas thiab/los sis cov rooj sab laj thiab ua kev nthuav tawm rau zej tsoom, suav nrog cov zej zog uas tsis hais Lus Askiv.

Kev rov kho ciam dej ciam av yog dab tsi?

Txhua-txhua kaum lub xyoo, cov cheeb tsam yuav tsum raug rov kho ciam dej ciam av raws li tsab cai Voting Rights Act of 1965 (Tsab Cai Txog Cov Cai Kev Tawm Suab) txhawm rau kom txhua tej cheeb tsam muaj pej xeeb neeg coob sib luag. Qhov kev lis hauj lwm no, tau hu ua kev rov kho ciam dej ciam av, yog qhov tseem ceeb rau kev ua kom ntseeg siab tias txhua tej tug tswv cuab ntawm pawg thawj coj ua tus sawv cev rau qhov coob tib yam nkaus.

Nyob rau Sacramento Khauj Tim, Pawg Thawj Coj Saib Xyuas muaj lub luag hauj rau kev kos cov cheeb tsam muaj kev saib xyuas. Kev rov kho ciam dej ciam av ua tau los ntawm kev siv Teb Chaws Mes Kas Cov Ntaub Ntawv suav pej xeeb, uas thaum xub thawj tau muaj kev teeb tseg tias yuav tau nthuav tawm nyob rau thaj tsam Lub Peb Hlis Ntuj Tim 31, 2021. Txawm li cas los, vim kab mob COVID-19, qhov kev nthuav tawm ntaub ntawv tau xav tias yuav qeeb mus kom txog thaum Lub Cuaj Hlis Ntuj 2021. Rau Sacramento Khauj Tim, qhov kev lis hauj lwm rov kho ciam dej ciam av yuav tsum ua tiav tsis pub dhau Lub Kaum Ob Hlis Ntuj Tim 15, 2021.

Vim li cas qhov kev rov kho ciam dej ciam av thiaj tseem ceeb rau kuv?

Kev rov kho ciam dej ciam av yuav txiav txim seb cov koog zos thiab cov zej zog twg raug rau xam ua ke rau hauv cheeb tsam rau lub hom phiaj kev xaiv tsa ib tus tswv cuab ntawm pawg thawj coj. Pawg Thawj Coj Saib Xyuas yuav nrhiav kev paub rau kev xaiv daim phiaj qhia cheeb tsam tom ntej rau peb cov cheeb tsam muaj kev saib xyuas. Koj muaj lub hwm tsam los faib qhov koj xav tias cov ciam cheeb tsam tsim nyog raug kos li cas thiaj li qhia tau koj lub zej zog zoo tshaj plaws rau Pawg Thawj Coj Saib Xyuas.

Cov cheeb tsam muaj kev saib xyuas uas twb muaj lawm zoo li cas?

Koj tuaj yeem nrhiav rau daim phiaj qhia ntawm lub [Khauj Tim cov cheeb tsam muaj kev saib xyuas tam sim no ntawm no](#). Koj tuaj yeem [saib tau tej cov phiaj qhia cheeb tsam ntawm no](#).

Peb Pawg Thawj Coj Saib Xyuas yuav siv tus qauv cai twg thaum kos cov kab-ciam cheeb tsam?

Raws li ua tau, cov kab-ciam cheeb tsam yuav raug siv raws li cov qauv cai hauv qab no:

- (1) Cov cheeb tsam muaj ciam txuas raws toj roob haus pes
- (2) Qhov kev ncaj ncees ntawm thaj chaw ntawm cov koog zos los sis cov zej zog yuav tsum tau muaj kev sib hwm uas txo cov kev sib cais.
- (3) Kev ncaj ncees ntawm thaj chaw ntawm lub nroog yuav tsum tau muaj kev sib hwm uas txo cov kev sib cais.
- (4) Cov ciam dej ciam av uas qhia tau yooj yim uas raws li tej yam kev thaiv uas ib txwm muaj los sis tsim tshiab (cov niam dej, cov kev, cov kev loj, kev tsheb ciav hlau, thiab lwm yam.)
- (5) Cov kab-ciam yuav tsum raug kos txhawm rau pab txhawb kev ruaj kho ntawm thaj chaw. Dhau li no lawm, cov ciam dej ciam av yuav tsum tsis raug kos rau lub hom phiaj pab txhawb los sis muaj sib cais tawm tsam phav kas moos.

Pawg Thawj Coj Saib Xyuas yuav ceeb toom qhia li cas rau zej tsoom txog kev rov cais cheeb tsam?

Khauj Tim yuav pab txhawb kom muaj kev koom tes los ntawm cov neeg nyob rau hauv Sacramento Khauj Tim thiab yuav muab ntaub ntawv los ntawm lub vev xaib no, nyob rau hauv social media (kev tso tawm saum huab cua), los ntawm Cov Ntaub Ntawv Kev Rov Kho Ciam Dej Ciam Av daim npe faib email, xov xwm hauv zos, thiab cov koom haum raws zej zog thiab cov khub laj kam. Cov kev paub yuav suav nrog zej tsoom cov rooj sab laj, zej tsoom cov rooj taug xyuas, tus qauv cov phiaj qhia, txoj hauv kev kos cov kab ciam dej ciam av rau koj cheeb tsam thiab lwm yam ntxiv.

Kuv yuav tau txais kev koom tes nrog li cas?

Pawg Thawj Coj Saib Xyuas yuav npaj cov rooj taug xyuas los txais zej tsoom li kev paub txog cov kab-ciam cheeb tsam uas tsim nyog yuav tsum tau kos. Tej zaum cov neeg nyob rau hauv kuj yuav xa tau zej tsoom cov lus pab tswv yim, suav nrog lus qhia txog tus qauv cov phiaj qhia, los ntawm kev xa rau email redistricting@saccounty.net.

Kuv yuav nrhiav tau kev paub ntxiv nyob qhov twg?

Lub Kauj Tim yuav tswj lub vev xaib txog nws li kev lis hauj lwm rov cais cheeb tsam ntawm no: www.SacCounty.net/Redistricting